

ADMINISTRACIÓN LOCAL

MUNICIPAL

PONTEDEUME

Aprobación das “Directrices sobre a consulta pública previa no procedemento de elaboración das ordenanzas e regulamentos municipais do Concello de Pontedeume”

ANUNCIO

Aprobación das “Directrices sobre a consulta pública previa no procedemento de elaboración das ordenanzas e regulamentos municipais do Concello de Pontedeume”

Na sesión ordinaria do Pleno do Concello de Pontedeume celebrada o 27 de abril de 2017 adoptouse o acordo relativo á aprobación das “Directrices sobre a consulta pública previa no procedemento de elaboración das ordenanzas e regulamentos municipais do Concello de Pontedeume”, que de seguido se transcriben:

“DIRECTRICES SOBRE A CONSULTA PÚBLICA PREVIA NO PROCEDIMENTO DE ELABORACIÓN DAS ORDENANZAS E REGULAMENTOS MUNICIPAIS DO CONCELLO DE PONTEDEUME

1. **Obxecto.**
2. **Ámbito de aplicación.**
3. **Competencia.**
4. **Contido da consulta pública previa.**
5. **Prazo e destinatarios/as.**
6. **Estrutura do punto de acceso para a consulta pública previa.**
7. **Desenvolvemento da consulta pública previa.**
8. **Datos persoais e comunicacións electrónicas.**
9. **Publicación e entrada en vigor.**

1. Obxecto.

1.1. As presentes directrices teñen por obxecto incorporar a consulta pública previa no procedemento para a elaboración das ordenanzas e regulamentos municipais do Concello de Pontedeume.

1.2. Con carácter previo á redacción do texto dunha ordenanza ou regulamento municipal, formularase unha consulta pública a través da sede electrónica municipal (portal web www.pontedeume.gal) na que se solicitará a opinión da cidadanía e das organizacións mais representativas potencialmente afectadas pola futura ordenanza ou regulamento, nos termos establecidos no artigo 133 da Lei 39/2015, de 1 de outubro, do procedemento administrativo común das administracións públicas.

2. Ámbito de aplicación.

2.1. A consulta pública será esixible con carácter previo á redacción do texto dos proxectos de ordenanzas e regulamentos municipais, resulta conveniente que exista un documento base ou borrador de proxecto que será sometido a consulta.

2.2. Quedarán excluídas do trámite da consulta pública as iniciativas para a aprobación de ordenanzas e regulamentos municipais de carácter orzamentario ou organizativo que afecten unicamente a aspectos internos da organización administrativa.

2.3. Poderá prescindirse do trámite da consulta pública nos seguintes casos, o que deberá quedar acreditado no expediente:

- a) Cando existan razóns graves de interese público que así o xustifiquen.
- b) Cando a iniciativa normativa non teña un impacto significativo na actividade económica, non imponha obrigas relevantes aos destinatarios ou regule aspectos parciais dunha materia.

3. Competencia.

3.1. Corresponderalle á Alcaldía acordar o sometemento ou non a consulta pública das ordenanzas e regulamentos municipais, de forma motivada e xustificada de acordo co sinalado no apartado anterior.

4. Contido da consulta pública previa.

4.1. A proposta da Alcaldía para o sometemento a consulta previa da iniciativa normativa, conterà como mínimo os seguintes puntos:

- a) Os problemas que se pretenden solucionar coa iniciativa.
- b) As posibles solucións alternativas regulamentarias e non regulamentarias.
- c) A necesidade e oportunidade da súa aprobación.
- d) Os obxectivos da norma.

4.2. Co obxecto de que os/as destinatarios/as da futura norma poidan manifestarse sobre os aspectos sinalados no punto 4.1, a proposta conterà unha descrición clara e concisa destes, na que se incluírá toda a información e documentación precisa. Así mesmo, a proposta poderá engadir calquera outra información que se considere relevante para a consulta.

4.3. Poderán establecerse outras medidas adicionais ou complementarias para incentivar ou fomentar a participación cidadá nas materias que lles afectan, de modo que as disposicións municipais que se vaian aprobando teñan en conta o parecer dos/as seus/súas destinatarios/as.

5. Prazo e destinatarios/as.

5.1. O prazo xeral para a consulta pública de cada iniciativa será de 15 días naturais, naturais, aínda que a Alcaldía poderá acordar un prazo superior nos supostos en que se considere necesario. Tamén poderá prorrogarse este prazo por outros 15 días máis.

5.2. Con carácter xeral os/as destinatarios/as da consulta pública serán persoas físicas maiores de 16 anos empadroadas no Concello de Pontedeume, ou que acrediten a condición de interesados/as, así como as organizacións e asociacións legalmente constituídas que puidesen resultar potencialmente afectadas pola futura norma.

5.3. Excepcionalmente a Alcaldía poderá recoller a necesidade motivada de que o criterio establecido no punto 5.2 poida ser ampliado ou restrinxido. No suposto de restrinxirse os/as destinatarios/as deberá de motivarse moi detalladamente as razóns que xustifican este criterio que é a excepción á regra xeral.

5.4. Unha vez rematado este prazo, non se admitirán a trámite as alegacións ou suxestións presentadas fóra de prazo, aínda que o contido seguirá estando dispoñible no portal web a título informativo.

6. Estrutura do punto de acceso para a consulta pública previa.

6.1. O espazo do portal web www.pontedeume.gal dedicado á consulta pública previa recollerá una listaxe das iniciativas normativas nas que se encontre aberto este trámite, co título e a data na que finaliza o prazo da consulta.

6.2. O punto de acceso para a consulta pública previa conterà tanto os proxectos normativos sometidos a consulta públicas que teñan aberto o seu prazo de consulta, como aqueles para os que o trámite xa rematara, ao que se poderá acceder aínda que non estea pechado o prazo de consultas.

7. Desenvolvemento da consulta pública previa.

7.1. No portal web www.pontedeume.gal figurará nun lugar visible un punto de acceso para a consulta pública previa, del tal xeito que se facilite a participación da cidadanía no procedemento de elaboración da ordenanza ou regulamento municipal.

7.2. Para tales efectos figurará no dito portal o acordo de inicio do expediente e a información prevista nos puntos 4.1 e 4.2, así como as indicacións necesarias para o uso da canle que permita á cidadanía manifestar a súa opinión sobre a iniciativa normativa.

7.3. Unha vez rematado o período de consulta previa os servizos municipais correspondentes por razón da materia elaborarán unha memoria co resultado da consulta, indicación do número de participantes, número de opinións emitidas e un resumo das principais suxestións emitidas e a súa conveniencia ou viabilidade para incorporalas á disposición normativa en tramitación.

8. Datos persoais e comunicacións electrónicas.

8.1. O portal web www.pontedeume.gal disporá das medidas precisas para garantir a protección dos datos persoais das persoas físicas que queiran intervir na consulta pública previa nos termos previstos na Lei orgánica 15/1999, de 13 de decembro, de protección de datos de carácter persoal.

8.2. O portal web disporá das medidas precisas para garantir que as comunicacións electrónicas realizadas durante a tramitación da consulta pública previa posibiliten a constancia da transmisión e recepción das comunicación.

9. Publicación e entrada en vigor.

9.1. Estas directrices serán publicadas no Boletín Oficial da Provincia da Coruña e no portal de transparencia da sede electrónica municipal, e terán efectos unha vez transcorrido o prazo dun mes dende a publicación no citado boletín provincial, sen afectar aos procedementos para a elaboración das ordenanzas e regulamentos municipais iniciados con anterioridade.”

O que se publica para xeral coñecemento e en cumprimento do contido do propio acordo.

Documento asinado dixitalmente por D. Bernardo Fernández Piñeiro, Alcalde-Presidente, en Pontedeume a 3 de maio de 2017.

2017/3690